

福建府縣志輯

中國地方志集成

乾隆龍溪縣志

乾隆海澄縣志

民國雲霄縣志

中國地方志集成

福建府縣志輯③〇

民國雲霄縣志

乾隆海澄縣志

乾隆龍溪縣志

上海書店 ● 巴蜀書社 ● 江蘇古籍出版社

圖書在版編目(CIP)數據

中國地方志集成·福建府縣志輯·30, 乾隆龍溪縣志、
乾隆海澄縣志、民國雲霄縣志 / 上海書店出版社編。
上海: 上海書店出版社, 2000. 10
ISBN 7-80622-424-6

I. 中... II. 上... III. ①地方志-中國②地方志-
福建-龍溪縣③地方志-福建-海澄縣④地方志-福建-雲
霄縣 IV. K29

中國版本圖書館CIP數據核字(2000)第27741號

序

有邑必有志所以記風俗之污隆民情之得失政治人物之盛衰凡百脩為悉載於此其關係乎世道人心者非淺鮮矣龍溪為漳附郭邑自承紫陽過化理學名臣前後接踵且就其小者言之如婦女出門有文公斗文公衣文公履文公杖者誠海濱鄒魯也迨甲子年兵燹

龍溪縣志

序

以後村愚婦女街市往來或露面不蔽者余曰此事雖小所防甚大故諄諄示禁以期復古之風然教澤未泯者先正之型也文獻無徵者有司之責也溪係七邑首領地方遼濶政事殷煩舊志無存將何以考污隆鑒得失而察盛衰若乎予自履任之初即留心採訪無如求之愈切得之愈難蓋自匪擾以還而散

佚殆盡矣數月後適逢試期諸生雲集予乃廣為示諭有范生登雲者携得乾隆壬午所脩以獻帙多破碎續又得鄭生圭海搜覓一部彙成全書皆前令吳樾菴先生手輯也去今百有二十載板悉被燬恐遲之又久斷簡殘編盡歸寥落亟召手民重鐫焉因思此百二十載後風俗民情政治人物不無或異則守

龍溪縣志

序

斯土者又不可不知也爰商吳君聯薰施君開昌吳君金榜鄭生圭海魏生森林魏生新德網羅舊聞為之分類增補另編二卷附末以俟後之君子採擇而重脩之是予所深望也茲因奉調銀同命下之日匆匆卸篆謹綴數語倚裝書之

光緒五年歲次己卯長至日龍溪縣令荆南八十四譔

序

均之為吏詢簿領則弛誦訓故則精此優於學而短於才者也徵前修則愚問案牘則智此習於事而荒於古者也夫用武一切以文守之道猶未盡矧全不留意乎余蒞漳四年徵屬邑文獻有缺有具數與溪大令吳樾卷商榷其故蓋誌乘之作上察疾苦下備蒐羅譬農有書焉耘鋤芟播可按時布也工有譜焉精勤良窳可眎籍求也雖然難言定矣為邑之道簿書期會錢穀訟獄逋逃一人之身干考成者常一日備况濱海附郭版圖數圻則分并難詳戶口叢雜則客主易亂屢更兵燹而載籍無徵漸遠老成則聞見多舛加以後學拘墟異將聚訟衆心有主同或隨聲為

龍溪縣志

序

二

吏者官非南董事殊筆削欲以饜人情存古

道思其蹟也雖然亦願為之何如耳衷裁聽

決義無所考事病於斷瞻徇卻願一無所就

義傷於懦耽思旁訊依情切理事協於中君

家陽湖鄉先進願太初高忠憲講學遺風身

被其澤自尤今移宰龍溪文章政事卓有風

概其緝溪誌也不虛美不匿善不循故轍不

矜新裁澄心易氣熟討精思務求其當後已

蓋人之所難君之所易自萬歷舊誌及

本朝丁酉重脩蹟駁未善者發凡起例不數月

煥然改觀洵經術吏治兼長之君子歟夫強

以教之悅以安之競練互用之術也宜之以

時進之以古本末相引之端也漳為風節區

而溪首七屬君子勁正小人質直談風烈者

龍溪縣志

序

二

莫不誦述徽國稱引安卿以今準古豈時既遠而澤漸湮歟翼而起之端在余輩有政事之責者年未思蒐討掌故合七屬提晰其條貫綱維備訓型之具卒乎未暇去歲澄令安陽王君成澄誌喜有其端今吳君又成斯誌予以勤宣德意釐正風俗溥

聖朝之雅化留海國之先型異日或得所藉手

龍溪縣志

序

三

乎會君謂余當有序廼備列斯事之所難及

余志之未逮者冠其首若夫筆墨馳騁文章

瞻逸君宿學高科優為之不庸贅矣

乾隆壬午仲冬穀旦

賜進士出身知漳州府事前翰林院檢討金竹

蔣允焄序



龍溪縣志序

龍溪自蕭梁建邑稱名最古大江南北旋羣山北顧提封四接壤圻交錯地當閩海奧區夙稱難治我

朝

聖相承湛恩汪濊洋溢邊隅凡我蒸黎胥

龍溪縣志

序

一

安樂利陽湖吳君作宰是邦越今三

載奉宣

德意以致民和政事之暇復留心於建置

沿革之由山川民物之盛風土人情

之故廼與邑之士大夫訂舊圖新謀

脩邑志既蒞事錄稿於余兼請為序

余緝閱數遇不禁慨然有感也昔

先大夫以康熙丁丑進士出宰是邑

發奸摘伏撫字催科規畫經營拳拳

匪懈余時當幼穉雖得偕伯仲隨侍

官齋而凡所見聞罔窺萬一及解組

歸田溪人士於逾年後裁踐集腋授

龍溪縣志

序

二

梓相貽曰愛棠集余既長檢而讀之

於以知遺愛在民洵不能忘也昨歲

恭膺

簡命陳臬於茲側聞邑中父老尙有能述

先大夫治行者曩所脩舉如響水橋

日照巖等諸遺跡迄今垂六十年猶

耳目而稱道之遠觀新志當日之實

心實政得與魏線諸公共徵不朽追

維疇昔展卷流連固感慨係之矣至

於邑志之脩溯自大同而後千有餘

載紀乘逸馬泊江君梅谿據前代府

志中分紀二冊推考成書凡十二卷

龍溪縣志

序

三

邑有專志於是乎始吳君更加脩輯

考核蒐羅補遺正舛天時地利典祀

兵戎以逮人物寓賢文辭故實上下

古今釐然大備卷倍於前書不繁重

良史才也舊志不另編名宦并載列

女於方伎仙釋之後昔班孟堅爲循

吏列女立傳凡以風示來茲敦崇教化耳吳君彰微闡幽表揚閭里又從故老之所傳聞婦孺之所景慕皆置專門以相興起見誠偉哉余自蒞閩以來屬邑之因革興除亦嘗廣詢周諮具知大略惟是夙夜冰兢務期平允冀以上報

龍溪縣志

序

四

聖恩下承先訓曩時之教忠教孝如在目前語曰前事之不忘後事之師也吳君勉旃余益知所率循已是爲序

皆

乾隆二十七年壬午冬月

賜進士出身通議大夫署理福建布政使
事按察使司按察使加三級新建曹
繩柱撰



龍溪縣志

序

五

五

序

嘗聞域中有三大權而史官居一焉
邑之志即邑之史也志願不重哉龍
溪自大同置邑始列職方迄朱子典
牧是邦文教漸摩名儒輩出俗烝烝
向上數百年而未有改矣余於癸酉

龍溪縣志 序

歲奉

命觀察汀漳龍三州駐節於斯即嘗按其
圖籍質以所見所聞有不醇不備之
憾思欲搜羅散失勒成一書而有志
未逮也後以量移臺灣越三年秩滿
天子以余熟志海疆復

命泣斯土適邑令陽湖吳君有脩志之役

余喜不自勝蓋溪故有志殘缺已久
時事遞更非討論而纂輯之不可茲
變舊例之十二卷分為二十四卷釐
其舛錯增其未備凡有關於天時人
事有裨於國計民生者無不眉列而

龍溪縣志 序

於忠孝節義之流與宦遊之跡流寓
之賢及仙釋藝術之末尤犁然畢具
此非但一方之紀乘抑亦謀國者之
所必稽典金匱石室者之所必采也
吳君有史才評論古今人物是非成
敗瞭然如在目前縣志之脩寔有移

風易俗之意焉余故樂為述而序之
俾後之宰斯邑者撫是編也著計燭
照得免捺刀製錦之譽而生於是邦
者企慕深風君子小人皆學道自泚
以相與有成是余之所厚望也夫亦
吳君之所厚望也夫

龍溪縣志

序

三

昔乾隆壬午歲仲冬之月

特授福建分巡海防汀漳龍等處地方道
仍帶卓異俸滿即陞加四級紀錄七
次甘泉楊景素撰



重脩志書叙

國家守土之官曰知縣者知一縣之事也顧循
其名則易而核其實則難蓋一縣之山川土
田戶口錢穀祭祀兵戎人心風俗之大與夫
一名一物之纖且悉無一非其所當知而知
之顧有難焉者或以一官為傳舍而不求知
或疲神埋照于簿書期會之中而有所不暇
知或地當衝要日奔馳于道路風塵自等于

龍溪縣志

序

一

鈴下馬走以為容悅而視此數者以為不必
知又或以吹毛析髮為明務察察于閭簷七
箸之細婦姑勃諍之微而於其大者反茫然
而不能知若是者皆謂之不知不知則尸位
而已矣曠職而已矣夫于山海而知其遠近
更程至問其阨塞形勢之何者宜屯何者宜
守而不知是記里之鼓也于農田水利而知
其則例尋丈至問其沃磽之異其植蒔濬之

殊其施而不知是里魁之簿也且于春秋祭
祀而知禮之儀數於度支散給而知兵之伍
符至其精意所存爲承祀詰戎之大綱紀者
而不知是巫祝之司尺籍之記也且夫事而
不綜古今之沿革原委而考其所以廢興成
敗之由則其知之猶有未盡亦無以善其厝
注而底于績之成執古以泥今則刻舟而求
劍也師今而戾古則膠柱而鼓瑟也余泣邑

三載于茲自揣懵然一無所知適邑之縉紳
先生以纂脩縣乘請不禁忻然曰是卽余所
以求知之方也三載以來夙夜殫心求一事
之知而不得而或者于編摩之下庶幾乎知
之乃延諸紳士分隅廂都里廣爲採輯彙送
志局州次部居余于案牘勾稽之暇一燈焚
煢手自釐訂求知乎閩寨灣鎮之所由險固
民數賦額之所由登耗人心風俗之所由漓

樸盛衰

國家大經大法之所以盡善而維于不敝聞有
一得則稍參末論蓋卽以所知者垂之志也
其採之史籍及學士大夫故老之所傳聞而
編之成帙蓋卽以所志者益其知也既歲事
衆咸慶一方之堂故于是乎成而不知余之
惴惴于習焉而不知者且自茲而方始也唐
李吉甫作元和郡國志謂執此可以善治余

不敢謂脩今日之志卽可以治今日之縣或
藉此而稍有所知焉其可矣爰書于簡端以
自策云 峕

乾隆歲次壬午冬月龍溪縣令陽湖吳宜燮

敬書



脩志凡例

縣志脩於康熙五十六年其志叙歷數宋明諸郡志而云龍溪附府以見是邑前此無專志也相傳線公應綵為令時曾纂脩未竣事而去叙不齒及是其稿本亦久不傳舊志既無所祖述又二閱月而告歲事其疎漏純繆宜矣茲編溯源正史旁資羣籍以及碑版之所篆刻父老之所傳聞廣為搜羅詳為考核增舊志十之四而正其舛訛者十之二復稍加刪潤庶幾不蕪不遺

一范淳作唐鑑多所論斷程明道善之志亦史例也但龍溪縣志卷之 凡例 一

才非三長不敢妄抒已臆閉附按語不過以辨疑正訛即或有所指陳亦期折衷以歸於當非敢故為辯論攻訐前人

一建置沿革星野舊志統附疆域部夫分星分土猶可聯類企書若建置則一邑之所肇開制最先而典尤鉅不可紊也茲為首臚於卷端而歷代之隸屬裁折加詳焉星野亦另為一門詳加考訂與前志徵有異同

一疆域初析於唐屢析於元明四隅八至非復啓疆之舊其中都圖之分併更易街市之寥落繁華次第

編期於有條有理

一山有主從脉絡川有支派源流如人身之有骨血部位也舊志東窳西抹都無倫次茲就一邑之形勢而次第聯絡之要使閱者如身歷其中而指顧可得閒有勝概名區亦詳為標識焉若以雲烟風月強屬之某水某山如俗所云十景八景者正恐涸浣失真反沒流峙本色不載可也

一溝封既奠營建乃興以固圉則有城以出治則有署倉以儲軍民之食而驛舖以供使客郵遞之往來彙而編之而在官之規制乃備

龍溪縣志卷之 凡例 二

一學校為尊教右文重典一應儀禮及兩廡從祀諸賢理宜備書書院社學亦樂育英才地故以類附焉

一坊表以旌善妒之寵命樹厥風聲事若甚微而典則甚鉅義宜特書不得附見別類

一賦役為度支正供之所從出戶口庸調之所由稽宋元勝國因事橫征論者有積重難返之疑矣

興朝聖聖相承

恩膏叠沛除徭額減徵輸累代稅政一切剷除民被澤至深且渥不詳為記載何以導揚 盛美而昭示來茲茲為總序一為考三而丁數賦額次第而觀獲之

鹽政亦賦之一端也故附列於後

一水利為民食所關其疏鑿建築之年代姓氏廣袤丈畝及夫毗阡接壤官為均分其利者皆詳書之以表惠以防侵以息爭止訟也若津梁亦利民一事例得類及

一舊志不立郵政一門而以善濟院義塚併入規制非體矣我

國家厚澤深仁雖天末亦屢霑被珥筆而恭紀之亦守土微臣職也

一壇廟之設典禮所垂開有一二特祠亦本名宦鄉賢

龍溪縣志卷之 三 凡例
祠之義而別為俎豆之者非淫黷之祀之所得比也他若叢祠古廟名雖不經而捍災禦患時著神麻編入古蹟使靈貺不沒焉可耳

一邑之軍制倣於唐備於宋而大壞於明我朝易衛軍為召募而制遂盡善為次第編比之又詳其

成敗得失之故著於篇其郡城武職官兼轄各縣舊志不載道府大員而載衛所鎮守諸官體裁不一茲留以俟郡乘之排纂非一邑之志所得私

一風俗與時推移執古泥今未免刻舟求劍茲就耳目所聽聞參以舊志記載滙為一篇以備輪軒之採

一舊志於古蹟一類強分部次勢必同一勝地而樓臺

池館割裂紛紛夫古人紀事亦有參錯成文者正不必多為吟域也其中水石巖洞改歸山川書院改歸學校湖堰改歸水利稍為釐訂庶幾有條不紊

一職官記縣令以下考舊志及各省附郭諸縣志皆同若取統轄大員而并覽之私且褻矣非縣志體也其名宦依舊志開採輿論而增益之不敢濫及至武職可紀述者亦依舊志作武臣傳另入軍制

一舊志於選舉最為闕畧蓋邑之專乘憑郡志為稿本而郡志復歷百餘年乃脩不能純備兼之兵燹殘破之餘故籍灰燼或佚其仕宦或金佚其姓氏茲廣為搜羅其見之故譜牒墓志及故老所傳聞確有可徵者亦為補輯若明副榜不准貢武舉會試不中式者仍赴鄉闈故舊志不載非畧也茲篇仍舊不敢妄增

一人物舊志分類太繁茲取而約之曰名臣首綸扉及侍從清要蔚為國楨也曰宦績紀循卓也曰理學曰儒林尊正教也曰忠烈曰孝友曰敦行崇本也曰文苑立言亦不朽盛事也曰隱逸清風高節不可沒也若藝術不可言人物以類附之而已邑僻處南荒非輪蹄輻輳地故寓賢亦寥寥焉其各傳依舊志而增

龍溪縣志卷之 四 凡例

益之採之史籍詢之物論惟期傳信豈敢逞私又人見存者不立傳亦史例也

一邑俗廉勁婦女亦剛正自持夫死率以節著中得旌者十之一耳其視為固然不取表異與限於力而不能上達者比比也茲取已旌節孝與未旌而苦節可紀以及烈婦貞女正氣凜然者為傳以表之未立傳者附姓名於後若名媛已載舊志仍存之餘則寧闕毋濫

一二氏之教閒有傳人鹿女踏花壺公賣藥事則甚詭而語復不經舊志附載人物非其倫矣茲另為編比龍溪縣志卷之凡例五亦外之意也

一物產詳土之所宜以前民用也而機絲所出絨緞諸品其華已甚為政者觀乎此亦可以知其好尚而為之防矣

一史有五行志此各志機祥之權輿也寇亂特變異之一端故附及之

一志例有雜記一類蓋前人遺言軼事無所附麗而又可資考証者亦博雅之君子所不遺也茲於舊志微有增刪要期歸於雅馴庶不等齊諧諾臯之徒供塵柄已也

一藝文首載書目倣班固志例也文必有關於邑之風土政治其原委井然可備稽考者乃登之蓋不惟其文惟其事也若詩賦雖切於山川景物非佳篇及人已故者不收

一是篇刑繁舉要類聚部居雖腹儉者難為華質固者難為通然紀事必職其詳考古惟期乎核庶幾信而可徵毋使華而不實

龍溪縣志卷之

凡例

六

倚志姓氏

總裁

分巡海防汀漳龍等處地方道楊景素 甘泉

鑒定

漳州府知府蔣允焄 貴陽

通脩

龍溪縣知縣吳宜燮 陽湖

參訂

龍溪縣教諭薛捷官 上杭

龍溪縣訓導丁宣 南平

龍溪縣志

卷首姓氏

甲戌

進士黃惠 永福

員李疇 秀水

分訂

丁未進士工部主事王材 邑人

甲戌進士鄭蒲 邑人

戊辰進士崇義縣知縣黃寬 邑人

甲戌進士劉希周 長泰

壬子舉人睢寧縣知縣趙鯤飛 邑人

甲子舉人蔡國香 邑人

戊午舉人邱起佐 海澄

癸酉舉人郭于青 邑人

甲子舉人郭澤 邑人

戊午舉人楊邦憲 邑人

己卯舉人陳存義 邑人

己卯舉人劉鳳山 邑人

己卯舉人林振梅 邑人

庚辰副榜唐耀德 邑人

貢生黃秉義 邑人

校閱 己卯舉人商必達 漳浦

己卯舉人吳翀 南安

龍溪縣志目錄

卷之一

建置沿革

星野

疆域 鄉都里 街市附

卷之二

山川 形勝

卷之三

規制 城池 倉儲 公署 驛舖

卷之四

龍溪縣志 卷之四 目錄

學校 書院 社學

訪表

卷之五

賦役 鹽課

卷之六

水利 津梁 附

卷之七

壇廟

卷之八

軍制

卷之九

郵政

卷之十

風俗

卷之十一

古蹟

卷之十二

職官

名宦

卷之十三

龍溪縣志 卷之十三 目錄

選舉

卷之十四

選舉

卷之十五

人物

卷之十六

人物

卷之十七

人物

卷之十八

列女

卷之十九

仙釋

物產

卷之二十

詳異附紀兵

卷之二十一

雜記

卷之二十二

藝文

龍溪縣志

卷之二十三

卷之二十三

藝文

卷之二十四

藝文

新增目錄


卷之上

卷之下

俱編刻未竟

三

輿圖



府城池

龍溪縣志

輿圖

一